

Na osnovu člana 5., 19., 43. i 45. Zakona o Agenciji za bankarstvo Federacije Bosne i Hercegovine ("Službene novine Federacije BiH", broj: 75/17) i člana 71. Zakona o faktoringu ("Službene novine Federacije BiH", broj: 14/16), Upravni odbor Agencije za bankarstvo Federacije Bosne i Hercegovine, na sjednici održanoj 08.11.2017. godine donosi

ODLUKU
O NAKNADAMA KOJE DRUŠTVA ZA FAKTORING PLAĆAJU AGENCIJI
ZA BANKARSTVO FEDERACIJE BOSNE I HERCEGOVINE

Član 1.

Ovom odlukom utvrđuje se visina i način plaćanja naknade za izdavanje dozvola za rad, nadzor nad radom i poslovanjem društava za faktoring, kao i naknade za obavljanje drugih poslova iz djelokruga Agencije za bankarstvo Federacije Bosne i Hercegovine (u daljem tekstu: Agencija) koje plaćaju društva za faktoring.

Član 2.

(1) Naknade za poslove iz ove odluke (u daljem tekstu: naknade) Agencija naplaćuje u konvertibilnim markama (u daljem tekstu: KM).

(2) Naknade za poslove propisane ovom odlukom uplaćuju se na račun Agencije.

Član 3.

Nadzorni odbor i direktor društava za faktoring su odgovorni za uredno plaćanje naknade za poslove koje izvrši Agencija.

Član 4.

(1) Naknade se naplaćuju po pojedinim vrstama poslova prema sljedećoj tarifi:

- a) Naknade za nadzor poslovanja društva za faktoring:
 - 1) linearna godišnja naknada za društva za faktoring u iznosu od 8.000,00 KM, koja se uplaćuje u jednakim tromjesečnim ratama najkasnije do posljednjeg dana tekućeg tromjesečja;
 - 2) tromjesečna varijabilna naknada utvrđuje se u visini od 0,10 % (promila) od iznosa ukupne aktive bilansa stanja društva za faktoring sa stanjem na posljednji dan prethodnog tromjesečja za tekuće tromjesečje i uplaćuje se najkasnije do posljednjeg dana tekućeg tromjesečja.
- b) Naknade za izdavanje dozvola i saglasnosti:
 - 1) saglasnost za promjenu imaoća kvalificiranih učešća društva za faktoring (član 30. Zakona o faktoringu, u daljem tekstu: Zakon) iznosi 2.000,00 KM;
 - 2) saglasnost za sticanje ili povećanje kvalificiranog učešća u društvu za faktoring (član 32. stav (2) Zakona) iznosi 2.000,00 KM;
 - 3) saglasnost društvu za faktoring za sticanje ili povećanje kvalificiranog učešća u drugom pravnom licu (član 38. Zakona) iznosi 2.000,00 KM;
 - 4) odobrenje za rad društva za faktoring u domaćem faktoringu (član 39. stav (3) Zakona) iznosi 6.000,00 KM;
 - 5) saglasnost za prijenos faktoring poslovanja na drugo društvo za faktoring, ukoliko je donijelo odluku o prestanku poslovanja kao društvo za faktoring (član 41. stav (6) Zakona) iznosi 1.000,00 KM;

- 6) saglasnost na statusnu promjenu (pripajanje, spajanje ili podjela društva) društva za faktoring (član 42. stav (1) Zakona) u iznosu 2.000,00 KM;
 - 7) saglasnost za obavljanje funkcije člana uprave društva za faktoring (član 52. stav 2. Zakona) iznosi 1.000,00 KM.
 - c) Naknade za izdavanje drugih saglasnosti i odobrenja koja nisu navedena u tački a) i b) ovog člana iznosi 500,00 KM, a mišljenje, potvrda, ovjera i sl. se naplaćuju u iznosu od 100,00 KM po svakom pojedinačnom zahtjevu.
- (2) Za sve saglasnosti navedene u stavu (1) ovog člana, naknada se uplaćuje na dan izdavanja odgovarajućeg rješenja odnosno akta Agencije.

Član 5.

Ukoliko prihod od naknada, koje društva za faktoring plaćaju Agenciji, prelazi 10% u odnosu na rashode nastale na osnovu obavljanja nadzora poslovanja društava za faktoring, Upravni odbor Agencije može donijeti odluku o povratu društvima za faktoring, dijela sredstava ostvarenih na osnovu uplaćenih naknada iz ove odluke.

Član 6.

Ova odluka stupa na snagu osmog dana od dana objavljivanja u "Službenim novinama Federacije BiH".

Broj: U.O.-10-08/17
Sarajevo, 08.11.2017. godine

PREDSJEDNICA
UPRAVNOG ODBORA
mr. sc. Ljerka Marić, dipl. ecc., s.r.